

四庫全書

集部

欽定四庫全書

古詩紀卷九十六

明 馮惟訥 撰

梁第二十三

王籍

字文海琅邪臨沂人博涉有才氣為任昉沈約所稱賞天監中除安成王主簿歷餘姚錢塘令

並以故免除湘東王叅軍隨府會稽郡還為中散大夫

櫂歌行

揚舠橫大江乘流任蕩蕩輕橈暮不息復逐夜潮上時
見湘水仙恒聞解佩響

入若邪溪

梁書曰籍除輕車湘東王諮議參軍隨府會稽郡境有雲門天柱山籍嘗遊之或累月不反至若邪溪賦詩云蟬噪林逾靜鳥鳴山更幽當時以為文外獨絕顏氏家訓曰王籍入若邪溪詩江南以為文外獨絕物無異議簡文吟詠不能忘之孝元諷味以為不可復得詩云蕭蕭馬鳴悠悠旆旌毛傳曰言不諛諱也吾每歎此解有情致籍詩生於此意耳

舳舳何汎汎空水共悠悠陰霞生遠岫陽景逐迴流蟬噪林逾靜鳥鳴山更幽此地動歸念長年悲倦遊

王暕

字思晦琅邪人儉之子齊明帝時除驃騎從事中郎天監中歷史部尚書領國子祭酒

觀樂應詔

趙瑟含清音秦箏凝逸響參差陳九夏依遲分四上從
風繞金梁含雲映珠網遞奏豈二八繁絃非一兩幸叨
東郭吹側一作厠陪南風賞忘味信鏗鏘食和終俯仰輕
塵已飛散游魚亦翻蕩恩光實難遇詠言寧易放

詠舞

從風迴綺袖映日轉花鈿同情依促柱共影赴危絃

王訓

字懷範陳長子幼聰警有識量文章之美
為後進領袖為宣城王文學官至侍中

度關山

邊庭多警急羽檄未曾閒從軍出隴坂驅馬度關山關
山恒掩靄高峯白雲外遙望秦川水千里長如帶好勇
自秦中意氣本豪雄少年便習戰十四已從戎昔年經
上郡今歲出雲中遼水深難渡榆關斷未通折衝一作衝

凌絕域流蓬警未息胡風朝夜起平沙不相識兵法貴

先聲軍

一作兵

中自有程迢迢皆

一作難

贖罪先登盡一城

都護疲詔吏將軍擅發兵平盧疑縱火飛鷗畏犯營輕

重一為虜金刀何用盟誰知出塞外獨有漢飛名

獨不見

日晚宜春暮風軟上林朝對酒近初節開樓蕩夜嬌石
橋通小澗竹路上青霄持底誰見許長愁成細腰

奉和同泰寺浮圖

和簡文

副君坐飛觀城傍屬大林王門雖八達露塔復千尋重
櫨出漢表層拱冒雲心崑山雕潤玉麗水瑩明金懸盤
同露掌垂鳳似飛禽月落簷西暗日去柱東侵反流開

睿屬搦翰動神襟願託牢舟返長免愛河深

奉和率爾有詠

簡文帝詩云
率爾成詠

殿內多仙女從來難比方別有當窻艷復是可憐粧學
舞勝飛燕染粉薄南陽散黃分黛色薰衣雜棗香簡釵
新輾翠試履逆填牆一朝恃容色非復守空房君恩若
可恃願作雙鴛鴦

應令詠舞

應簡
文

新粧本絕世妙舞亦如仙傾腰逐韻管斂衽一作聽張

絃袖輕風易入釵重步難前笑態千金動衣香十里傳
將持比飛燕定當誰可憐

王泰

字仲通琅邪人僧虔之孫慈之子梁天監中為秘書丞歷中書侍郎又為廷尉卿遷吏部尚書

賦得巫山高

迢遞巫山竦遠天新霽時樹交涼去遠草合影開遲谷
深流響咽峽近猿聲悲只言雲雨狀自有神仙期

王筠

字元禮一字德柔琅邪人僧虔之孫揖之子幼清淨好學與從兄泰齊名歷仕尚書殿中郎累

遷太子洗馬中書舍人與殷鈞並以方雅為昭明太子所禮

樂府

有所思

律祖作吳均者非

丹墀生細草紫殿納輕陰
曖曖巫山遠悠悠湘水深
徒歌鹿盧劍空貽玳瑁簪
望君終不見屑淚且長吟

一作吟

陌上桑

人傳陌上桑未曉已含光
重重相蔭映軟弱

一作軟軟

自芬

芳秋胡始倚馬羅敷未滿筐
春蠶朝已老安得久彷徨

俠客篇

俠客趨名利劍氣坐相矜黃金塗鞘尾白玉飾鉤膺晨
馳逸廣陌日暮返平陵舉鞭向趙李與君方代興

三婦豔

大婦留芳褥中婦對華燭小婦獨無事當軒理清曲丈
人且安卧豔歌方斷續

雜曲二首

烏還夜已逼蟲飛曉尚賒桂月徒留影蘭燈空結花
可憐洛城東芳樹搖春風丹霞映白日細雨帶輕虹

行路難

七言

千門皆閉夜何央，百憂俱集斷人腸。
探揣箱中取刀尺，拂拭機上斷流黃。
情人逐情雖可恨，復畏邊遠乏衣裳。
已綵一重催衣縷，復擣百和薰衣香。
猶憶去時腰大小，不知今日身短長。
裊襠雙心共一袂，裊復兩邊作八襠。
襟帶雖安不忍縫，開孔裁穿猶未達。
曾前却月兩相連，本照君心不照天。
願君分明得此意，勿復流蕩不如先。
含悲含怨判不死，封情忍思待明年。

楚妃吟

雜言

花早飛林中明鳥早歸庭前日暖春閨香氣亦霏霏香
氣漂當軒清唱調獨顧暮含怨復含嬌蝶飛蘭復裊裊
輕風入裙春可遊歌聲梁上浮春遊方有樂沈沈下羅
幕

詩

侍宴餞臨川王北伐應詔

四言

金版韜英玉牒蘊精帝德乃武王威有征軒習弧矢夏

陳干戚周驚戎車漢馳羽檄我皇俊聖千年踵武德洞

十一

一作千

門威加八柱金正圯德水行失道胡馬南牧戎

徒西保荐食伊瀍整居豐鎬金關

一作閭

揚塵銅臺茂草

命彼膳夫爰詔協律樂賦出車絃操吉日玉饌駢羅瓊漿泛溢聖德溫溫賓儀秩秩

早出巡行矚望山海

以下五言

王生臨廣隰潘子望洪河同軫懷歸思俱興年逝歌曰
余異二子承曉淚滂沱剖符瀛海外結綬層山阿因心

留惻憫怨已息煩苛繕築循時隙興動藉民和高門惟
壯麗脩雉亦駢羅層樓亦攀涉複道亦經過昧旦清音
上風氣入織羅雲起垂天翼水動連山波奔濤延瀾汗
積翠遠塞我鄉關屢迴曲還顧杳蹉跎曾微肅肅羽望
路空如何

北寺寅上人房望遠岫翫前池

安期逐長往交甫稱高讓遠跡入滄溟輕舉馳昆閬良
由心獨善兼且情由放豈若尋幽棲即目窮清曠激水

周堂下屯雲塞檐向閑牖聽奔濤開窻延疊嶂前階復
虛泓滿迤成洲漲雨點散圓文風生起斜浪游鱗互灑
潏羣飛皆哢吭蓮葉蔓田田菱花動搖漾浮光曜庭廡
流芳襲帷帳匡坐足忘懷詎思江海上

和衛尉新渝侯巡城口號

簡文帝庾
肩吾同賦

閭闔曖已昏鉤陳杳將暮棲鳥城上返一作喧晚崔林中

度屯衛時巡警凝威肆安步閣道趨文昌禁兵連武庫
銅烏迎早風金掌承朝露杲悤分曉色睥睨生秋霧維

城任寄隆空想靈均賦伊余方病免邱園保恬素

寓直中庶坊贈蕭洗馬

龍樓實九重薄寒殊復早玉階泣清露銅池結秋潦
霜被守宮槐風驚護門草之子擅文華縱橫富辭藻
舒錦慙光麗握珠謝奇寶媿予非工文何用披懷抱

物類志曰護門

草出常山取置戶下或有過其門者草必叱之一名百靈草

奉和皇太子懺悔應詔

梁簡文有蒙預懺直疏詩

奉和皇太子懺悔詩仍上皇宸極聖旨即疏降同

所用十韻私心慶躍得未曾有招採餘韻更

題鄙拙

一聖智比明帝德光四海荷負誠悠屬度脫實斯在懺
說濟蒙愚推心屏欺殆名僧引定慧朝纓列元凱還迷
依善導反心由真宰和鈴混吹音勝幡榮雪彩早蒲欲
抽葉新篁向舒筴翹勤懇到歸誠信兼倍艷容似煙
霞欄杆若珠琲善誘雖欲繼含毫愧文彩

和皇太子懺悔

習惡歸禮懺有過稱能改聖德及羣生唱說信兼採翹
心蕩十惡邈誠銷五罪三縛解智門六塵清法海超然
故無著逍遙新有待

和吳主簿六首

春日二首

日照鴛鴦殿萍生鴈鴛池游塵隨影入弱柳帶風垂青

骹

一作鵲

逐黃口獨

一作別

鶴慘羈雌同衾遠遊說結愛久

相離於今方溘死寧須萱草枝

菴苑心未發
薜蘿葉欲齊
春蠶方曳緒
新燕正銜泥
野雉呼鷓鴣
庭禽挾子棲
從君客梁後
方晝掩春閨
山川隔道里
芳草徒萋萋

秋夜二首

九重依夜館
四壁慘無暉
招搖顧西落
烏鵲向東飛
流螢漸收火
絡緯欲催機
爾時思錦字
持製行人衣
所望丹心達
嘉客倘能歸

露華初泥泥
桂枝行棟棟
煞氣下重軒
輕陰滿四屋
別

寵增脩夜遠征悲獨宿愁牽翠羽眉淚滿橫波目長門
絕往來含情空杼軸

遊望二首

落日照紅粧挾瑟當窻牖寧復歌薜蘿唯聞歎楊柳結
好在同心離別由衆口徒設露葵羹誰酌蘭英酒會日
杳無期薜華安得久

相思不安席聊至狹斜東愁眉倣戚里高髻學城中雙
眉偏照日獨蕊好縈風自知心所愛獻賦甘泉宮傳聞

方鼎食詎憶春閨容

代牽牛答織女

沈約織女贈牽牛詩已見

新知與生別由來儻相值如何

一作豈如

寸心中一宵懷兩

事歡娛未繾綣倏忽成離異終日遙相望祇益生愁思
猶想今春悲尚有故年淚忽遇長河轉獨喜涼颼至奔
精翊鳳軫織阿警龍轡

苦暑

文苑英華作苦熱

日坂

一作域

散朱零天隅斂青靄飛颼

一作光

煥南陸炎津

通北瀨繁星聚若珠
密雲屯似蓋月至每開襟
風過時解帶

五日望採拾

裁縫逗早夏點畫守初晨
綃紈既妍媚脂粉亦香新
長絲表良節命一作金縷應嘉辰
結蘆同楚客採艾異詩人

折花競鮮彩拭露染芳津
含嬌起斜盼斂笑動微嚬
獻璫依洛浦懷珮似江濱
須待恩光接中夜奉衣巾

奉酌從兄臨川桐樹

伊昔擅羽儀待價龍門垂優游清露點徽一作穆惠風

吹月上陰陽榦雲覆死生枝公子存高尚聊用影華池
棲鸞既不重舞鶴復何施方同散木繫清響竟誰知

摘安石榴贈劉孝威

中庭有奇樹當戶發華滋素莖表朱實綠葉廁紅蕤既

標太冲賦復見安仁詩宗生仁壽殿族代疑作河陽湄

有美清淮北如玉又如龜退書寫蟲篆進對一作多好

辭我家新置側可求不難識相望阻盈盈相思滿胸臆

高枝為君採請寄西飛翼

東南射山

阮籍詠懷詩曰東南有射山
汾水出其陽言神仙之事

還丹改容質握髓駐流年口含千里霧掌流五色煙瓊
漿汎金鼎瑤池既玉田倏忽整龍駕相遇鳳臺前

春遊

藂蘭已飛蝶楊柳半藏鶉物色相煎蕩微步出東家既
同翡翠翼復如桃李花欲以千金笑迴君流水車

春日

金堤草非舊玉池泉已新
風生似羊角雲上若魚鱗
幽閨多怨思停織坐嬌春
芳華既零落方作向隅人

向曉閨情

北斗行欲沒東方稍已晞
晨雞初下棲玉臺作振羽曉露尚

方作霑衣衾稠作錦衾

徒有設信誓

作蘭約

果相違詎

作誰忍開

朝鏡羞恨掩空扉

望夕霽

帝王集作簡文帝者非

連山卷亂

一作族

雲長林息衆籟密樹含綠滋遙峯凝翠

靄石溜正淥潺

一作潺湲

山泉始澄汰物華方入賞跂予心

期會

和孔中丞雪裏梅花

水泉猶未動庭樹已先知翻光同雪舞落素混

一作汨冰

池今春競時發猶是昔年枝唯有長顙顙對鏡不能窺

摘園菊贈謝僕射舉

靈茅挺三脊神芝曜九明菊花偏可憇碧葉媚金英重

九惟嘉節抱一應元貞泛酌宜長久聊薦野人誠

答元金紫餉朱李

六朝詩集作沈約因初學記相次而誤也

穠華春發彩結實下成蹊潘生詠金谷魏后沈寒溪逢君重妖麗移翫入崇閨慙無瓊玖報徒用萃幽棲

詠輕利舟應臨汝侯教

君侯飾輕利搖蕩邁飛雲凌波漾鷁彩汎水渙蛟文電流已光絕鳥逝復超羣倏忽方千里戀茲岐路分

詠燈檠

百華曜九枝鳴鶴映冰池朱光本內照丹花復外垂流
暉悅嘉客翻影泣生離自銷良不悔明白願君知

詠蠟燭

執燭引佳期流影度單帷腫隴別繡被依稀見蛾眉英
明不足貴焦燼豈為疑所恐恩情改照君尋履綦

和蕭子範入元襄王第

昔入睢陽苑連步披風雲今遊故臺處回望聞無人皓
壁留餘篆蕙圃有餘芬行人皆隕涕何獨孟嘗君

閨情

月出宵將半星流曉未央
空閨易成響虛室自生光
嬌羞悅人夢猶言君在傍

東陽還經嚴陵瀨贈蕭大夫

以下二首文闕

子陵徇高尚超然獨長往
釣石宛如新故態依可想

遊望

晨登黃馬坡遙望白龍堆
風威盡撩折路險車輪摧

古詩紀卷九十六

欽定四庫全書

古詩紀卷九十七

明 馮惟訥 撰

梁第二十四

劉孝綽

字孝綽本名冉彭城人七歲能屬文梁天監初起家爲著作佐郎遷秘書丞甚爲武帝及

昭明所禮累遷尚書吏部郎郎坐事左遷臨賀王長史卒孝綽雖負才陵忽前後五免然辭藻爲後進所宗

樂府

釣竿篇

以下五言○藝文作劉孝威

釣舟畫彩鷁漁子服冰紈金轄茱萸網銀鈎翡翠竿
橈隨水脉急漿渡江湍湍長自不辭前浦有佳期船交
橈影合浦深魚出遲荷根時觸餌菱芒乍冒絲蓮度江
南手衣渝京兆眉垂竿自有樂誰能爲太師

夜聽妓賦得烏夜啼

鷗絃且輟弄鶴操暫停徽別有啼烏曲東西相背飛倡
人怨獨守蕩子殊未歸忽聞生離唱長夜泣羅衣

銅雀妓

雀臺三五日弦

一作歌

吹似佳期況復西陵晚松風吹總

帷危絃斷復續妾心傷此時誰

一作何

言留客袂還

一作翻

掩望陵悲

班婕妤怨

應門寂已閉非復後庭時況在青春日萋萋綠草滋妾
身似秋扇君恩絕履綦詎憶遊輕輦從今

一作徒令

賤妾辭

三婦豔

大婦縫羅裙中婦料繡文唯餘最小婦窈窕舞昭君丈

人慎勿去聽我駐浮雲

櫂歌行

日暮楚江上江深風復生所思竟何在相望徒盈盈
舟子行催棹無所喝流聲

詩

詠風

四言

嫋嫋秋聲習習春吹鳴茲玉樹渙此銅池羅幃自舉襟
袖乃披慙非楚侍濫賦雄雌

侍宴

外編作任助者
非○以下五言

清宴延多士鴻漸濫微薄臨災出蕙樓望辰躋茵閣上
征切雲漢俛眺周京洛城寺鬱參差街衢紛漠漠禁林
寒氣晚方秋未搖落皇心重發志賦詩追並作自昔承
天寵於茲被人爵選言非綺綃何以儷金腹

又

茲堂乃峭嶠伏檻臨曲池樹中望流水竹裏見攢枝欄
高景難蔽岫隱雲易垂邂逅逢休幸朱躡曳青規邱山

不可答葵藿空自知

三日侍華光殿曲水宴

薰被三陽暮濯禊元巳初
皇心賸樂飲帳殿臨春渠
豫遊高夏諺凱樂盛周居
復以焚林日丰茸花樹舒
羽觴環堦轉清澗傍席疏
妍歌已嘹亮妙舞復紆餘
九成變絲竹百戲起龍魚

三日侍安成王曲水宴

匯澤良孔殷分區屏中縣
躡跨兼流采襟喉邇封甸
吾

王庵鄧畢析珪承羽傳不資魯俗移何待齊風變東山
富遊士北土無遺彥一言白璧輕片善黃金賤餘辰屬
上一作元已清祓追前諺持此陽瀨遊復展城隅宴芳洲
亘千里遠近風光扇方歡厚德重誰言薄遊倦

春日從駕新亭應制

旭日輿輪動言追河曲遊紆餘出紫陌迤邐度青樓前
驅掩蘭徑後來歷芳洲春色江中滿日華巖上留江風
傳葆吹巖華映采旂臨渦起睿作駟馬暫停輶侍從榮

前阮雍容慙昔劉空然等彈翰非徒嗟未遒

侍宴集賢堂應令

北閣時既啓西園又已闢宮屬引鴻鷺朝行命金碧伊
臣獨何取隆恩徒自昔布武登玉墀委坐陪瑤席綢繆
參宴笑淹留奉觴醴壺人告漏晚煙霞起將夕反景入
池林餘光映泉石

侍宴餞庾於陵應詔

皇心眷將遠帳餞靈芝側是日青春獻林塘多秀色芳

弁疑綸組嘉樹似雕飾遊絲綴鶯領先風送綺翼下輦
朝既盈留宴景將昃高辯競談端奇文爭筆力伊臣獨
無伎何用奉吹息

侍宴餞張惠紹應詔

滄池誠自廣蓬山一何峻麗景花上鮮油雲葉裏潤風
度餘芳滿鳥集新條振餞言班俊造光私獎輜宏徒然
謬反隅何以窺重仞

餞張惠紹應令

鮮雲積上月凍雨晦初陽迴風飄淑氣落景煥新光竹
萌始防露桂挺已含芳瑤階變杜若玉沼發攢蔣聖襟
惜岐路曲宴闕蘭堂

侍宴離亭應令

輾轅東北望江漢西南永羽旗映日移鏡吹臨風警令
王愍追送纚舟宴俄頃掩袂眺征雲銜杯惜餘景首燕
徒有心局步何由騁

奉和昭明太子鍾山解講

御鶴翔伊水策馬出王田我后遊祇鷺比事實光前翠
蓋承朝景朱旗曳曉煙樓帳縈巖谷緹組曜林阡況在
登臨地復及秋風年喬柯變夏葉幽澗潔涼泉停鑒對
寶座辯論悅人天淹塵資海滴昭暗仰燈然法朋一已
散笳劒儼將旋邂逅逢優渥託乘侶才賢摛辭雖並命
遺恨獨終篇

和湘東王理詒

馮翊亂京兆廣漢欲兼治豈若兼邦牧朱輪褰素帷淮

海封畿地雜俗良在茲禁姦擿銖兩馭黠震豺狸

陪徐僕射晚宴

藝文作陪徐僕射晚宴於兒宅

夫君追宴喜十日遞來過築室華池上開軒臨芰荷方
塘交密篠對雷接繁柯景移林改色風去水餘波洛城
雖半掩愛客待驪歌

上虞鄉亭觀濤津渚學潘安仁河陽縣詩

昔余筮賓始衣冠仕洛陽無貲徒有任一命忝爲郎再
踐神仙側三入崇賢旁東朝禮髦俊虛薄廁才良遊談

侍名理搦管創文章引籍陪下膳橫經叅上庠誰謂服
事淺契闊變炎涼一朝謬爲吏結綬去承光烹鮮徒可

習

一作惜

治民終未長化雞仰季智馴雉推仲康

魯恭字

此

城鄰夏穴櫛蠱茂筠簟孝碑黃絹語神濤白鷺翔遨遊
佳可望釋事上川梁秋江凍雨絕反景照移塘纖羅殊
未動駭水忽如湯乍出連山合時如高蓋張漂沙黃沫
聚碧石素波揚榜人不敢唱舟子詎能航離家復臨水
眷然思故鄉中來不可絕奕奕苦人腸汴洄若無阻謝

病反清漳

太子湫落日望水

川平落日迴落照滿川漲復此

一作在

淪波地派別引沮

漳耿耿流長脈熠熠動微光寒鳥逐查漾饑鷄拂浪翔

臨泛

一作流

自多美況乃

一作此

還故鄉榜人夜理櫂擢女

閤成粧欲待春江曙爭塗向洛陽

登陽雲樓

吾登陽臺上非夢高唐客回首望長安千里懷三益顧

帷慙入楚降

一作殊

私等申白西沮水潦收昭

一作瑕

邱霜

露積龍門不可見空慕凌寒柏

夕逗繁昌浦

日入江風靜安波似未流岸迴知舳轉解纜覺船浮暮
煙生遠渚夕鳥赴前洲隔山聞戍鼓傍浦喧棹謳疑是
辰陽宿於此逗孤舟

櫟口守風

春心已應豫歸路復當歡如何此日風靈曠駭波瀾倏

見搖心慘俄瞻鄉路難賴有同舟客移宴息層巒華茵
藉初卉芳樽散緒寒謔浪雖云善江流苦未安何由入
故園詎即紉新蘭寄謝浮邱子暫欲假飛鸞

還渡浙江

季秋弦望後輕寒朝夕殊商人泣紈扇客子夢羅襦憂
來自難遣况復阻川隅日暮愁陰合繞樹噪寒烏濛漠
江煙上蒼茫沙嶼蕪解纜辭東越接軸驚西徂懸帆似
馳驥飛棹若驚鳧言歸遊俠窟方從冠蓋衢

江津寄劉之遴

與子如黃鵠將別復徘徊經過一柱觀出入三休臺共
攜雲氣藻同舉霞紋杯佳人每曉遊禁門恒晚開欲寄
一言別高駕何由來

發建興渚示別陸二黃門

外編作吳均詩
題云酬別非也

扁舟去平樂還顧極川梁猶聞棗下吹尚識杏間堂洛
橋分曲渚官寺隱回塘客行裁跬步即事已多傷況復
千餘里悲心未遽央

酬陸長史倬

王粲始一別猶且歎風雲況余屢之遠與子亟離羣如
何持此念復爲今日分分悲宛

一作悵

如昨弦望殊揮霍

行舟雖不見行程猶可度度君路應遠期寄新詩返相
望且相思勞朝復勞晚薄暮聞人進果得承芳信殷勤
覽妙書留連披雅韻洲

一作州

財賦總慈山行旅鎮已

切臨睨情遽動思歸引歸歟不可即前途方未極覽諷
欲諉誚研尋還慨息來喻勗雕金比質非所任虛薄無

時用徘徊守故林屏居青門外結宇灞城陰竹庭已南
映池牖復東臨喬柯貫簷上垂條拂戶陰條開風暫入
葉合影還沈帷屏溽早露階雷擾昏禽衡門謝車馬賓
席簡衣簪雖愧陽陵一作春曲寧無流水琴蕭條聊屬和

寂寞少知音平生竟何托懷抱共君深一朝四美廢方
見百憂侵曰余濫官守因之汧廬久一作九水接淺原陰

山帶荆門右從容少職事疲病疎僚友命駕獨尋幽淹
留宿廬阜廬阜擅高名峒峒凌太清舒雲類紫府標霞

同赤城北上輪難進東封馬易驚未若茲山險車騎息
逢迎山橫路似絕徑側樹如傾蒙籠乍一啓礫硤無暫
平倚巖忽迴望援蘿遂上征乍觀秦帝石復憩周王城
交峯隱玉雷對澗距金楹風傳鳳臺瑄雲度洛濱笙紫
書時不至丹爐且未成無因追羽翮及爾宴蓬瀛蓬瀛
不可託悵然反城郭時過馬鳴院偶憩鹿園閣既異人
世勞聊比化城樂影塔圖花樹經臺總香藥月殿曜朱
旂風輪和寶鐸園援一作垣即重嶺階基仍巨壑朝一作

後

響薨棟夜水聲帷薄餘景鶩登臨方宵盡談謔談謔
有名僧慧義似傳燈遠師教逾闡生公道復弘小乘非
汲引法善招報能積迷頓已悟爲懽得未曾爲懽誠已
往坐卧猶懷想况復心所積一作親茲地多諧賞惜哉無
輕軸更泛輪湖上可思不可見離念空盈蕩賈生傳南
國平子相東阿優游匡贊罷縱橫辭賦多方幸同貫
無令絕詠歌幽谷雖云阻煩君計吏過

答何記室

遊子倦飄蓬
瞻途杳未窮
晨征凌迸水
暮宿犯顙風
出洲分去燕
向浦逐歸鴻
蘭芽隱陳葉
荻苗抽故叢
忽憶園間柳
猶傷江際楓
吾生棄武騎
高視獨辭一作餘雄
既殫孝王產
兼傾卓氏僮
罷籍睢陽囿
陪謁建章宮
紛余似鑿枘
方圓殊未工
黑貂久自敝
黃金屨已空
去辭追楚穆
還耕偶漢馮
巧拙良爲異
出處嗟莫同
若一作君厭蘭臺右
見訪灞陵東

答張左西

相思如三月相望非兩宮持此連枝樹暫作背飛鴻若
人惠思我摘藻蔚雕蟲仙掌方晞露靈鳥正轉風方假
排虛翮相與北山叢

歸沐呈任中丞昉

南史云孝綽天監初爲著作郎爲歸
沐詩以贈任昉即此詩也昉有答詩

步出金華省還望承明廬壯哉宛洛地佳麗實皇居虹
蜺拖飛閣蘭芷覆清渠圓淵倒荷芰方鏡寫簪裾白雲
夏峯盡青槐秋葉疎自我從人爵蟾兔屢盈虛殺青徒

已汗司舉未云書文昌愧通籍臨卽幸第如夫君多敬
愛蟠木濫吹噓時時釋簿領駟駕入吾廬自唾誠礪硃
無以儷璠璣但願長閒暇酌醴薦焚魚

憶虞弟

藝文作
與虞弟

下邑非上郡徒然想二馮余慙野王德爾勗聖鄉風望
望餘塗盡悽悽良宴終朝蔬一不共夜被何由同

淇上戲蕩子婦

桑中始奕奕淇上未湯湯美人要雜佩上客誘明璫日

暗人聲靜微步出蘭房露葵不待勸鳴琴無暇張翠釵
挂已落羅衣拂更香如何嫁蕩子春夜守空牀不見青
絲騎徒勞紅粉粧

愛姬贈主人

卧久疑粧脫鏡中私自看薄黛銷將盡凝朱半有殘垂
釵繞落鬢微汗染輕紈同羞不相難對笑更成歡妾心
君自解挂玉且留冠

爲人贈美人

巫山薦枕日洛浦獻珠時一遇便如此寧關先有期幸
非使君問莫作羅敷辭夜長眠復坐誰知闔斂眉欲寄
同花燭爲照遙相思

遙見鄰舟主人投一物衆姬爭之有客請余爲
詠

河流既浼浼河鳥復關關落花浮浦出飛雉度洲還此
日倡家女競嬌桃李顏良人惜美珥欲以代芳管新繚
疑故素盛趙茂衰班曳綃爭掩縠搖佩奮一作奪鳴環客

心空振蕩喬枝不可攀

古意

燕趙多佳麗
白日照紅粧
蕩子十年別
羅衣雙帶長
春樓怨難守
玉階空自傷
復一作對此歸飛燕
銜泥繞曲房

差池入綺幕
上下傍雕梁
故居猶可念
故人安可忘
相思昏望絕
宿昔夢容光
冤交忽在御
轉側定他鄉
徒然顧枕席
誰與同衣裳
空使蘭膏夜
炯炯對繁霜

報王永興觀田

重門寂已暮案牘罷翫塵輕涼生筍席微風起扇輪浮
瓜聊可貴溢酒亦成珍復有寒泉井無以瑩心神睠彼
忘言客閒居伊洛濱顧已慙困地徒知薑桂辛但願崇
明德無謂德無鄰

詠有人乞牛舌乳不付因餉檳榔詩

陳乳何能貴爛舌不成珍空持渝皓齒非但汗丹脣別
有無枝實曾要湛上人羞比朱櫻熱詎易紫梨津莫言
帶中久當省心裏新微芳雖不足含咀願相親

夜不得眠

夜長愁反覆懷抱不能裁披衣坐惆悵當戶立徘徊風
音觸樹起月色度雲來夏葉依窻落秋花當戶開光陰
已如此復持憂自催

望月有所思

秋月始纖纖微光垂步簷瞳朧入牀簾彷彿鑒窻簾簾
螢隱光息簾蟲映光纖玉羊東北上金虎西南昃長門
隔清夜高堂夢容色如何當此時懷情滿胃臆

校書秘書省對雪詠懷

桂華殊皎皎柳絮亦霏霏詎比咸池曲飄飄千里飛
恥均班女扇羞儷曹人衣浮光亂粉壁積照朗彤闥
鵲鳩搖羽至鵲鵲拂翅歸相彼猶自得嗟余獨有違
終朝守玉署方夜勞石扉未能奏絃綺何由辨國圍
坐銷風露質遊聯珠璧暉偶懷笨車是良知高蓋非
既言謝端木無爲陳巧機

詠百舌

山人惜春暮旭旦坐花林復值懷春鳥枝間弄好音遷
喬聲迴出赴谷響幽深下聽長而短時聞絕復尋孤鳴
若無對百轉似羣吟昔聞屢歡昔今聽忽悲今聽聞非
殊異遲暮獨傷心

侍宴同劉公幹應令

同疑
作擬

副君西園宴陳王謁帝歸列位華池側文雅縱橫飛小
臣輕蟬翼黽勉謬相追置酒陪朝日淹留望夕霏

賦詠百論捨罪福詩

尋因途乃異及捨趣猶并苦極降歸樂樂極苦還生豈
非輪轉愛皆緣封著情一知心相濁樂染法流清

賦得照基燭詩刻五分成

南皮弦吹罷終奕且留賓日下房櫳間

玉臺作閑

華燭命佳

人側光全照局迴花半隱身不辭纖手倦羞今夜向晨

同武陵王看妓

一作武陵王同蕭長史看妓

燕姬奏妙舞鄭女發清歌迴羞出曼臉送態表嚔蛾寧
殊遇行雨詎減見凌波想君愁日落應羨魯陽戈

賦得遺所思

遺簪雕玳瑁贈綺織鴛鴦未若華滋樹交枝蕩子房別
前秋已落別後春更芳所思不可寄唯憐盈袖香

林下映月

明明三五月垂影當高樹攢柯半玉蟾裛葉彰金兔茲
林有夜坐嘯歌無與晤側光聊可書含毫且成賦

詠素蝶

隨蜂遶綠蕙避雀隱青薇映日忽爭起因風乍共歸出

沒花中見參差葉際飛芳華幸勿謝嘉樹欲相依

於座應令詠梨花

玉壘稱津潤金谷詠芳菲詎匹龍樓下素蕊映華一作

朱

扉雜雨疑霰落因風似蝶飛豈不憐飄墜願入九重闈

秋雨卧疾

賈君徭役少潘生民務稀及此同多暇高卧掩重闈寂

寂桑榆晚滂沱暄不晞電隙時光帳風簾乍和疑作扉

扣

奉和湘東王應令二首

春宵

春宵猶自長春心非一傷月帶圓樓影風飄花樹香誰
能對雙燕暝暝守空牀

冬曉

冬曉風正寒偏念客衣單臨粧罷鉛黛含淚剪綾紈寄
語龍城下詎知書信難

月半夜泊鵲尾

客行三五夜息棹隱中洲月光隨浪動山影逐波流

和詠歌人偏得日照詩

和周弘正

獨明花裏翠偏光粉上津屢將歌罷扇迴拂影中塵

詠姬人未肯出

帷開見釵影簾動聞釧聲徘徊定不出常羞華燭明

遙見美人採荷

菱莖時繞釧棹水或沾粧不辭紅袖濕唯憐綠葉香

詠小兒採菱

採菱非採菜日暮且盈舫踟躕未敢進畏欲比殘桃

詠眼

含嬌睜已合離怨動方開欲知密中意浮光逐笑迴

擬古

見何遜集

少知雅琴曲好聽雅琴聲雅琴不可聽一聽一沾纓

詠日應令

弭節馳暘谷照檻出扶桑園葵亦何幸傾葉奉離光

望月

輪光缺不半扇影出將圓流光照潏潏波動映淪漣

秋夜詠琴

上宮秋露結上客夜琴鳴幽蘭暫罷曲積雪更傳聲

賦得始歸鴈

洞庭春水綠衡陽旅鴈歸差池高復下欲向龍門飛

元廣州景仲座見故姬一首

雜言。一作代人詠見故姬

留故夫不踟躕別待春山上相省採靡蕪

劉孝儀

字子儀本名潛字孝儀孝綽之弟寬厚有內行舉秀才累遷尚書殿中郎補太子洗馬陽

羨令甚有稱績累官御史中丞出爲臨海太守遷都官尚書復爲豫州內史侯景逼建業孝儀遣子

勵率兵入援及宮
城不守失郡卒

從軍行

冠軍親挾射長平自合圍木落雕弓燥氣秋征鴈肥賢
王皆屈膝幕府復申威何謂從軍樂往返速如飛

和昭明太子鍾山解講

詔一作韶樂臨東序時駕出西園雖窮理遊盛終爲塵俗

喧豈如弘七覺揚鸞啓四門夜氣清簫管曉陣爍郊原
山風亂采眊初景麗文轅林開前騎騁逕曲羽旄屯煙

壁浮青翠石瀨響飛奔迴輿下重閣降道訪真源談空
匹泉涌綴藻邁弦繁輕生逢遇誤竝作輩龍鵷顧已同
偏爵何用挹衢樽

和簡文帝賽漢高廟

珪幣崇明祀牲樽禮貴神風驚如集廟光至似來陳徘徊
靈駕入叫咷倡歌新將言非爲已致敬乃祈民多才
與多事今古獨爲鄰

行過康王故第苑

英華作劉孝威今
從初學作孝儀

入梁逢故苑度薛見餘宮尚識招賢閣猶懷愛士風
靈光一超遠衡館亦蒙籠洞門餘舊色甘棠留故藂
送禽悲不去過客慕難窮池竹徒如在林堂暖已空
遠橋隔樹出迴澗隱岸通芳流小山桂塵起大王風
具物咸如此是地感余衷空想陵前劒徒悲壘上童

一作
桐

閨怨

本無金屋寵長作玉階悲一乖西北麗寧復城南期永
巷愁無歇

玉臺
作盡

應門閉有時空勞纖素巧徒爲團扇詞

匡牀終不共何由橫自私

帆渡吉陽洲

孝威同賦

揚帆乘浪華搯鼓要風力近樹簾而遐遙山俄已逼欲
比驚龍掣將頓陽鳥翼客行悲道遠唯須前路極

詠簫

英華作孝綽今從藝文作孝儀

危聲合鼓吹絕弄混笙簫管饒知氣促釵動覺脣移簫

一作仙

史安爲貴能令秦女隨

詠織女

藝文作孝威

金鈿已照曜白日未蹉跎欲待黃昏後含嬌渡淺河

詠石蓮

蓮名堪百萬石性重千金不解無情物那得似人心

和詠舞

迴履裾香散飄衫鈿響傳低釵依促管曼睇入繁絃

又和

轉袖隨歌發頓履赴絃餘度行過接手迴身乍斂裾

舞就行

依歌移弱步傍竹艷新粧徐來翻應節亂去反成行

劉孝勝

孝儀之弟歷官邵陵王法曹湘東王記室武陵王長史信義蜀郡太守武陵王僭號以爲

尚書僕射兵敗被執元帝宥之起爲司徒右長史

妾薄命

拾遺作孝威者非

馮姜朝汲遠徐吾夜火窮舊井長逢暮隣燈欲未通五
逐無來娉三娶盡凶終離災陽祿觀就廢昭臺宮乘屯
迹雖淑應戚理恒同復傳蘇國婦故愛在房櫳愁眉歇
巧黛啼妝落艷紅織書凌竇錦敏誦軼繁弓離劒行當

合春牀勿怨空

升天行

堯攀已徒說湯捫亦妄陳欲訪青雲侶正遇丹邱人少
翁俱仕漢韓終苦入秦汾陰觀化鼎瀛洲宴羽人廣成
參日月方朔問星辰驚祠伐楚樹射藥戰江神閭闔皆
曾倚太一豈難親趙簡猶聞樂周儲固上賓秦皇多忌
害元朔少寬仁終無良有以非關德不鄰

武溪深行

武溪深不測水安舟復輕暫侶

一作借

莊生釣還滯鄂君

行櫂歌爭後發譟鼓逐前征秦上山川險黔中木石并

一作水石清

林壑秋籟急猿哀夜月明澄源本千仞回峯忽

萬紫昭潭讓無底太華推削成日落野通氣目極悵餘

情下流曾不濁長邁寂無聲羞學滄浪水濯足復濯

一作

沾纓

冬日家園別陽羨始興


孝儀爲陽羨令

四鳥怨離羣三荆悅同處如今腰艾綬東南各殊舉且

欣棠棣集彌惜光陰遽點吏本須裁豪民亦難御願勗
千金水思聞五湖譽

詠益智

挺芳銅嶺上擢穎石門端連叢去本葉雜和委雕盤寧
推不迷草詎減聰明九儻逢公子宴方厭永夜歡



古詩紀卷九十七

欽定四庫全書

集部
古詩紀卷九十八

詳校官檢討臣德生

侍讀臣孫球覆勘

總校官知縣臣楊懋珩

校對官編修臣吳裕德

謄錄監生臣李廷對

欽定四庫全書

古詩紀卷九十八

明 馮惟訥 撰

梁第二十五

劉孝威

字孝威孝勝之弟氣調爽逸初爲晉安王法曹太清中遷太子中庶子通事舍人侯景亂

孝威於園中得出西上至安陸卒

樂府

釣竿篇

英華樂府並作孝緯○以下五言

釣舟畫彩鷁漁子服冰紈金轄茱萸網銀鈎翡翠竿斂

橈隨水脉急漿渡江湍湍長自不辭前浦有佳期船交
橈影合浦深魚出遲荷根時觸餌菱芒乍冒絲蓮度江
南手衣渝京兆眉垂竿自有樂誰能爲太師

隴頭水

從軍戍隴頭隴水帶沙流時觀胡騎飲常爲漢國羞
妻成兩劍殺子祀雙鉤頻取樓蘭頸就解郵支裘勿令
如李廣功多遂不酬

一作功遂
不封侯

驄馬驅

十五官

一作官

期門二十屯邊徼犀羈玉鏤鞍寶刀金錯

鞘一隨驄馬驅分受青蠅弔且令都護知願被將軍照
誓使羶衣鄉掃地無遺噍

公無渡河

請公無渡河河廣風威厲檣偃落金烏舟傾沒犀柂紺
蓋空嚴祠白馬徒生祭銜石傷寡心崩城掩孀袂劍飛
猶共水魂沈理俱逝君爲川后臣妾作江妃姊

塘上行苦辛篇

蒲生伊何陳曲中多苦辛黃金坐銷鑠白玉遂縑磷裂
衣工毀嫡掩袖切讒新嫌成跡易已愛去理難申秦雲
猶變色魯日尚迴輪妾歌已腸斷君心終未親

東西門行

此似應詔
餞贈之作

廣津寒欲歇聯檣密纜收天高匝近岫江濶少方舟
錢淚留神眷離欻切私傳佇變齊兒俗當傳楚獻囚徒然
頒並命祗慙思如抽

怨詩

退寵辭金屋見譴斥甘泉枕席秋風起房櫳明月懸燭
避窓中影香迴爐上煙丹庭斜草徑素壁點苔錢歌起
蒲生曲樂奏下山絃新聲昔廣宴餘杯今自傳王嬙向
絕漢宗女入邠連鴈書猶未返角馬無歸年昭臺有滕
御曾坂無棄捐後新隨復積前魚誰更憐

採蓮曲

金槳木蘭船戲採江南蓮蓮香隔浦渡荷葉滿江鮮房
垂易入手柄曲自臨盤露花時濕釧風莖乍拂鈿

小臨海

碣石望山海留連降尊極秦帝枉鉤陳漢家增禮秩石
橋終不成桑田竟難測蜃氣遠生樓鮫人近潛織空勞
帝女填詎動波神色

思歸引

胡地憑良馬懷驕負漢恩甘泉烽火入回中宮室燔錦
車勞遠駕繡衣疲屢奔貳師已喪律都尉亦銷魂龍堆
求援急狐塞請先屯樞下驅雙駿腰邊帶兩韃乘障無

期限思歸安可論

一作言

妾薄命篇

去年從越障今歲沒胡庭嚴霜封碣石驚沙暗井陘玉
簪久落鬢羅衣長挂屏浴蠶思漆水條桑憶鄭垆寄書
朝鮮吏留釧武安亭勿言戎夏隔但令心契冥不見豐
城劍千祀復同形

鬪鷄篇

丹鷄翠翼張妬敵復專場翅中含芥粉距外耀金芒氣

踰上黨烈名貴下韓良祭橋愁魏后食跖忌齊王願賜
淮南藥一使雲間翔

結客少年場行

少年本六郡遨遊遍五都揜腰銅匕首障日錦屠蘇驚
羽裝銀鎗犀膠飾象弧近發連雙兔高彎落九烏邊城
多警急節使滿郊衢居延箭箠盡疎勒井泉枯正蒙都
護接何由憚險途千金募惡少一揮擒骨都勇餘聊蹴
踰戰罷暫投壺昔爲北方將今爲南面孤邦君行負弩

縣令且前驅

行行且遊獵篇

之罘講射所上林娛獵場
選徒驕楚客召狩誇胡王
車已戒道風烏復起行
飲飛具矰繳材官命蹶張
高置掩月兔勁矢射天狼
蹠地不遑逸排虛豈及翔
日暮勾陳轉風清鏡吹颺
歸來宴平樂寧肯滯禽荒

雀乳空井中

晉傅玄詩曰鵲巢邱
城側雀乳空井中

遠去條支國心知漢德休

一作優

聊栖丞相府過令黃霸

羞挾子須間地空井共尋求
轆轤絲綆絕桔槔冬蘇周
將憐羽翼張誰辭各背遊

半渡溪

本廁偏伍伴一戰殄凶渠
制賜文犀節驛報紫泥書
入營陳御蓋還家乘紫車
皇恩知己重丹心恨不紆
渡瀘且不畏凌溪嗟有餘

獨不見

夫婿結纓簪偏蒙漢寵深中人引卧内副車遊上林綬
染瑯琊草蟬鑄武威金分家移甲第留妾住河陰獨寢
鴛鴦被自理鳳凰琴誰憐雙玉筯流面復流襟

行幸甘泉宮歌

漢家迎夏畢避暑甘泉宮棧

一作機

車鳴里鼓駟馬駕相

風校尉烏桓騎待制樓煩弓後旌猶五柞前笳度九嶠
才人豹尾内御酒屬車中輦迴百子閣扇動七輪風鳴
鍾休衛士披圖召後宮材官促校獵涼秋

一作秋來

戲射熊

箜篌謠

樂府失名次
劉孝威後

結交在相得骨肉何必親
甘言無忠實世薄多蘇秦
從風暫靡草富貴上昇天
不見山巔樹推杭下爲薪
豈甘井中泥上出作埃塵

一云時至
出作塵

驄馬驅

翩翩驄馬驅橫行復斜趨
先救遼城危後拂燕山霧
風傷易水湄日入隴西樹
未得報君恩聯翩終不住

和王竟陵愛妾換馬

驄馬出樓蘭一步九盤桓小史贖金絡良工送玉鞍龍
驂來甚易烏孫去實難麟膠妾猶有請爲急弦彈

擬古應教一首

七言○樂府作孝威詩題云東
飛伯勞歌英華作簡文帝非也

簡文別

有二首

雙棲翡翠兩鴛鴦巫雲洛月乍相望誰家妖冶折花枝
蛾眉曼睂使情移青鋪綠璫琉璃扉瓊筵玉筍金縷衣
美人年幾可十餘含羞嚬咲斂風裾珠丸出彈不可追
空留可憐持與誰

鷄鳴篇

以下雜言
○藝文作簡文帝

埒鷄識將曙長鳴高樹巔
啄葉疑彰羽排花彊欲前
意氣多驚舉飄揚獨無侶
陳思助鬪協狸膏
郇昭妬敵安金距
丹山可愛有鳳凰
金門飛舞有鴛鴦
何如五德美豈勝千里翔

烏生八九子

城上烏一年生九雛
枝輕巢本狹風多葉草枯
毳毛不自暖張翼強相呼
金柝嚴兮翠樓肅
蜃壁光兮椒泥馥

虞機衡網不得施猜鷹鷲隼無由逐永願共棲曾氏冠
同瑞周王屋莫啼城上寒猶賢野中宿羽成翮備各西
東丁年賦命有窮通不見高飛帝輦側遠託日輪中尚
逢王吉箭猶嬰后羿弓豈如變彩救燕質音至入夢祚昭
一作周公流聲表師退集幕示營空靈臺已鑄像流蘇時
候風

蜀道難

王壘高無極銅梁不可攀雙流逆巖道九坂澁陽關鄧

侯策馬度王生斂轡還斂轡懼身尤叱馭奉王猷若惜
千金重誰爲萬里侯戲馬吞珠界揚舲濯錦流沈犀厭
恠水握鏡表靈邱禺山金碧有光輝遷亭車馬尚輕肥
彌想王褒擁節反更憶相如乘傳歸君平子雲間不嗣
江漢英靈信已衰一作稀。文苑英華辨證曰此篇文苑與類聚同惟郭氏樂府分前五言後七言各爲一首中闕六句今從文苑爲一首

詩

重光詩

并序。以下四言

重光儲后宣制義也

赫赫重光明明二聖帝作儲述禮和樂正中衢置樽高
堂懸鏡其酌不窮其明逾盛德音孔昭民胥攸詠明明
二聖赫赫重光風神灑落容止汪洋瞻彼談扇載抑載
揚何斯天辯如圭如璋顏閔函席游夏升堂以卿以士
惟公惟王思媚儲后顧哉樂康芄芃黍苗陰雨膏之詵
詵纓冕儲王導之道之以禮齊之以仁禮則探聖言則
窮神訓于四國覃于萬民

侍宴樂遊林光殿曲水

蒸哉軒頊赫矣堯心女媧補石重華累

一作棄

金湯羅禹

扇羲瑟農琴皇平備矣受命君臨試舟五反和樂九成
鈎楯秘戲協律新聲丹杯水激縫彩葩榮天吳還往海
若逢迎

奉和簡文帝太子應令

以下
五言

太子天下本元良萬國貞周朝推上嗣漢代紀重明前
星涵瑞彩潯雷揚遠聲三善傳樂正百行紀司成九流

遍已辨七經咸所精博聞強子政高才陵長卿禮尊逾

屈已德盛益卑情仙氣貽

一作貽

鍾相儒道推桓榮延賢

博望苑視膳長安城園綺隨金輅浮邱侍玉笙智囊前
斂笏端士後垂纓九仙良所重四海更誰傾班輸同策
乘甲館齊蓬瀛

三日侍皇太子曲水宴

二龍巡夏代八駿馭周朝豫遊光帝則樂飲盛民謠皇
儲遵洛禊濫觴追灞橋掌祓開神籙司馬動鑾鑣周旗

交采眊晉鼓雜清簫旌宮臨廣隰藻衛爍巖椒蘭樽沿
曲岸靈若沂迴潮

奉和六月壬午應令

玄圃棲金碧靈澗挹琨瑤築山圖碣岫穿池控海潮雷
奔石鯨動水濶牽牛遙乘黿猶怯渡鞭石詎成橋岸崩
下生窟壁峭上干霄噪蛙常獨沸游魚或自跳荒徑橫
臨浦空舟斜插橈愁鷗集古樹白鷺隱青苗神心重邱
壑散步懷漁樵石累元卿徑枝挂許由瓢伊臣本寂寞

由來畏市朝爲貪止山水所競惟逍遙寄言周伯況勞
君檀穀綃

登覆舟山望湖北

紫川通太液丹岑連少華堂皇更隱映松灌雜交加荇
蒲浮新葉漁舟繞落花浴童爭淺岸漂女擇平沙極望
傷春目迴車歸狹斜

帆渡吉陽洲

孝儀
同賦

江風

一作潮

凌曉急鉦鼓候晨催幸息榜人唱聊望高帆

開聯村條忽盡循汀俄頃回疑是傍洲退似覺前山來
將與圖南競誰云勞汭洄

出新林

芒山眊洛邑函谷望秦京遙分承露掌遠見長安城故
鄉已可識遊子必勞情霧罷前林見一作曠風息涌川平

坐觀暮潮落漸見夕煙生無由一羽化徒想御風輕

郗縣遇見人織率爾寄婦

郗一作郗

妖姬含怨情織素起秋聲度梭環玉動踏躡珮珠鳴經

稀疑杼澁緯斷恨絲輕葡萄始欲罷鴛鴦猶未成雲棟
共徘徊紗窓相向開窓疎眉語度紗輕眼笑來籠籠隔
淺紗的的見粧華鏤玉同心藕一作帶雜寶連枝花紅衫

向後結金簪臨髻斜機頂挂流蘇機傍垂結珠青絲引
伏兔黃金繞轆轤艷彩裙邊出芳脂口上渝百城交問
遺五馬共踟躕直爲閨中人守故不要新夢啼漬花枕
覺淚濕羅巾獨眠真自難重衾猶覺寒逾憶凝脂緩彌
想橫陳歡行驅金絡騎歸就城南端城南稍有期想子

亦勞思羅衣久應罷花釵堪更治新粧莫點黛余還自
畫眉

侍宴賦得龍沙宵明月

鵲飛空繞樹月輪殊未圓嫦娥望不出桂枝稍隱殘落
照移樓影浮光動塹瀾樞馬悲笳吹城烏啼塞寒傳聞
機杼妾愁余衣服單當秋絡已脆銜啼織復難斂眉雖
不樂舞劍強爲歡請謝函關吏行當封一丸

奉和晚日

虬簷挂珠箔虹梁卷霜綃迷迭涵香長芙蓉逐浪搖飛
輪搏羽扇翻車引落潮甘泉推激水迎風慙遠颺寄言
王待詔因聲張子僑吾君安已樂無勞誦洞簫

和皇太子春林晚雨

雲樹交爲密雨日共成虹雷舒長男氣枝搖少女風葉
珠隨滴水簷繩下溜空蝶濡飛不颺花沾色更紅明離
信養德能事畢春宮誰堪偶鳳吹唯有浮邱公

行還值雨又爲清道所駐

齊楚磐石貴韓吳異姓王俱乘早朝罷相隨出建章喧

呼驚里閤叫吡駭康莊阜駟同隼擊青橐

用以盛印

似鷹揚

掖門南北遠複道東西長旛旗爭絡繹官騎鬱相望微

風生榮傳輕雨潤帷裳油衣分競道小蓋列成行八舍

便繁密五營輿服光迴車避司隸俄軒揖內郎況余白

屋士自依

一作休

卑路傍日月雖臨照仄陋難明揚早榮

羞日及晚知慙豫章徒抱凌雲志終愧摩天翔安能久

淪辱圖南會有方

望雨

清陰蕩暄濁飛雨入階廊
瞻空亂無緒望雷耿成行
交枝含曉潤雜葉帶新光
浮芥離還聚沿漚滅復張
浴禽飄落毳風苻散餘香
瑤綃挂繡幕象簾列華牀
侍童拂羽扇厨人奉盥漿

內則有漿有盥注盥涼也

寄言楚臺客雄風詎獨

涼

苦暑

暮日苦炎溽遷坐接階廊
月麗姮娥影星含織女光
棲

禽動夜竹流螢出閨牆香盤糝鮮粉雕壺承玉漿白羽
徒垂握綠水自周堂弱紈猶覺重纖絺尚少涼弄風思
漢朔戲雨憶吳王玄冰術難驗赤道漏猶長誰能更吹
律還令黍谷涼

奉和逐涼

鐘鳴夜未央避暑起徬徨長河似曳素明星若散璫倚
巖欣石冷臨池愛水涼月纖張敞畫荷妖韓壽香對此
遊清夜何勞娛洞房

望樓鳥

夕鳥

一作鳥

飛參差單雄雜寡雌聯翩歸葉裡出沒噪林

垂爭棲時易樹驚飛忽度枝雖無繫書重亦有含纓疲
以茲憔悴力重逢輕薄兒珠丸蘇合彈金繳青絲縻豈
意翩翹羽遂免更羸危入懷欣得地依林竊願知

和簡文帝卧疾

玉躬耗寒暑羣望崇珪璧仁祀盛黃纁禮壇優紺席憊
均楚疾愈俄同宋年益豈勞誦賦臣寧用觀濤客

賦得曲澗

澗流急易轉溪竹暗難開
近樓俄已失前洲忽復迴
石岸生寒蘚沈根漬水苔
菱舟失道去歸鳧迷徑來

奉和湘東王應令二首

春宵

花開人不歸節暖衣須變
迴釵挂反環拭淚繩春線
今夜月輪圓胡兵必應戰

冬曉

妾家邊洛城慣識曉鐘聲
鐘聲猶未盡漢使報應行
天寒硯冰凍心悲書不成

詠織女

玉臺初學
並作孝儀

金鈿已照耀白日未蹉跎
欲待黃昏至含嬌渡淺河

七夕穿針

和簡
文

縷亂恐風來衫輕羞指現
故穿雙眼針持縫合歡扇

九日酌菊酒

露花疑始摘羅衣似適薰
餘杯度不取欲持嬌使君

賦得鳴轅應令

雜扇雖俱斂交行忿自分轉袖時繞腕揚履自開裙

和定襄侯初筭

合鬟仍昔髮畧髻即前絲從今一梳罷無復更縈時

古體雜意

朝日大風霜寄事足交傷葉落枝柯淨常自起慕張

詠佳麗

可憐將可念可念直千金唯言有一恨恨不遂人心

望隔牆花

隔牆花半隱猶見動花枝當由美人摘詎止春風吹

枯葉竹

枯楊猶更綠卧柳尚還生勿嫌鳳不至終當待聖明

和簾裡燭

開開簾影出參差風焰斜浮光燭綺帶凝滴汗垂花

詠剪綵花

葉舒非漸大花發是初開無論人訝似蜂見也爭來

楔飲嘉樂殿詠曲水中燭影

七言

火浣花心猶未長
金枝密焰已流芳
芙蓉池畔涵停影
桃花水脈引行光

賦得香出衣

雜言

香出衣步近氣逾飛
博山登高用鄴錦
含情動靨比洛妃
香纓麝帶縫金縷
瓊花玉勝綴珠徽
蘇合故年微恨歇
都梁路遠恐非新
猶賢漢君芳千里
尚笑荀令止三旬

劉孝先

孝威之弟仕爲武陵王紀記室承聖中與兄孝勝俱隨紀軍出峽紀敗元帝以爲黃門郎

遷侍

中

和兄孝綽夜不得眠

夜愁眠不安起望臺南端葉慘風聲異樓空月色寒笙
冷調簧數絃脆上琴難百年行詎幾萬慮坐相攢誰家
有明鏡暫借照心看

草堂寺尋無名法師

飛鏡點青天橫照滿樓前深林生夜冷複閣上宵烟葉

動花中露湍鳴閤裏泉竹風聲若雨山蟲聽似蟬摘果
仍荷藉酌水用花傳一卮聊自飲萬事且蕭然

和亡名法師秋夜草堂寺禪房月下

幽人住山北上照山東洞戶臨松徑虛窓隱竹叢出
林避炎影步逕逐涼風平雲斷高岫長河隔淨空數螢
流暗草一鳥宿疎桐興逸煙霄上神間宇宙中還思城
闕下何異處樊籠

詠竹

竹生荒野外梢雲聳百尋無人賞高節徒自抱貞心恥
染湘妃淚羞入上宮琴誰能制長笛當爲吐龍吟

春宵

夜樓明月弦露下百花鮮情多意不設啼罷未歸眠燉
煌定若遠一信動經年

冬曉

晨霞影翠帷思婦織霜絲輕寒牽杼澁釧冷調梭遲乍
廢倡樓粉貪赴遠人期

劉苞

字孝當彭城人好學能屬文起家參軍累遷太子洗馬掌書記自武帝即位引進文學之士苞

及從兄孝綽從弟
孺並以文藻見知

九日侍宴樂遊苑正陽堂詩

六郡良家子幽并遊俠兒立乘爭飲羽側騎競紛馳鳴
珂飾華眊金鞍映玉羈膳羞殫海陸和齊眊秋宜雲飛
雅琴奏風起洞簫吹曲終高宴罷景落樹陰移微薄承
嘉惠飲德良不貲取効績無紀感恩心自知

望夕雨

崇朝構行雨薄晚屯密雲緣階起素沫竟水散圓文河
柳低未舉山桃落已芬清罇久不薦淹留遂待君

劉孺

字孝稚彭城人沈約引爲主簿恒爲遊宴賦詩甚爲梁武所親愛累遷吏部尚書母憂以毀卒

謚曰
孝

侍宴餞新安太守蕭幾應令

芝殿延藻景畫室寫油雲玄覽多該洽聖思究前聞微
密探精義優游妙典墳飲餞參多士言贈賦新文

相逢狹路間

此亦賦別之詩

送君追遐路路狹曖朝霧三危上蔽日九折杳連雲枝
交憶不見聽靜吹纔聞豈伊歎道遠亦迺泣塗分況茲
別親愛情念切離羣

劉遵

字孝陵孺之弟也清雅有學行工屬文爲晉安王宣德雲麾二府記室甚見賓禮王入爲皇太

子
子
庶子卒

度關山

隴樹寒色落塞雲朝欲開谷深輦易響路狹憶難回當
知結綬去非是棄繻來行人思顧返道別且徘徊願度

關山鶴勞歌立可哀

相逢狹路間

春晚駕香車交輪礙狹斜所恐帷風入疑傷步搖花含
羞隱年少何因問妾家青樓臨上路相期竟路賒

蒲坂行

漢使出蒲坂去去往交河間謀敢虧對驂馬脫鳴珂乍
作渡瀘怨何辭上隴歌

和簡文帝賽漢高帝廟

分蛇淪霸迹提劍滅雄威空餘清祀處無復瑞雲飛
仙車照丹穴霓裳影翠微投玦要漢女吹管名湘妃
幸逢懷精日豫奉沐休歸

繁華應令

可憐周小童微笑摘蘭蓂鮮膚勝粉白曼臉若桃紅
挾彈雕陵下垂鈎蓮葉東腕動飄香麝衣輕任好風
幸承拂枕選得奉畫堂中金屏障翠帔藍帕覆薰籠
本知傷輕薄含辭羞自通剪袖恩雖重殘桃愛未終
蛾眉詎須

嫉新粧迎

一作近

入宮

從頓還城應令

漢水深難渡深潭見底清
錦竿繫鳧舸珠竿懸翠旂
鳴笳芳樹曲流唱採蓮聲
神遊不停駕日暮返連營
寧顧空房裡階下綠苔生

應令詠舞

倡女多艷色入選盡華年
舉腕嫌衫重迴腰覺態妍
情繞陽春吹影逐相思
弦履度開裙襖鬟轉匝
花鈿所愁

餘曲罷爲欲在君前

七夕穿針

步月如有意情來不自禁向光抽一縷舉袖弄雙針

四時行生回

七言○見歲時雜詠題上疑有脫誤

三月三日吐泉水七月七日芍陂塘鳳鰲蛾眉粧玉面

朱簾綉戶映新粧

劉邈

彭城人曾爲侯景所得景攻臺城不克邈勸景乞和全師景然之

折楊柳

高樓十載別楊柳擢絲枝摘葉驚開駛攀條恨久離年
年阻音息一作信月月減容儀春來誰不望相思君自知

萬山見採桑人

樂府作採桑

倡妾不勝愁結束下青樓逐伴西城

一作郊

路相攜南陌

頭葉盡時移樹枝高乍易鉤絲繩挂且脫金籠寫復收
蠶饑日已暮詎爲使君留

見人織聊爲之詠

纖纖運玉指脈脈正蛾眉振躡開交縷停梭續斷絲簷

花照初月洞口垂朱帷弄機行掩淚翻令織素遲

秋閨

螢飛綺窓外妾思霍將軍燈前量獸錦簾

一作簾

下織花

紋墜露如輕雨長河似薄雲秋還百種事衣成未暇薰

古詩紀卷九十八

欽定四庫全書

古詩紀卷九十九

明 馮惟訥 撰

梁第二十六

陶弘景

字通明丹陽秣陵人弱冠齊高帝引爲諸王侍讀永明十年上表辭祿止於句曲山自號

華陽隱居梁武帝即位屢加禮聘不出卒謚曰貞白先生

告遊篇

性靈昔既肇緣業久相因即化非冥滅在理澹悲欣冠劍空衣影鑣轡乃仙身去此昭軒侶結彼瀛臺賓儻能

踵留轍爲子道玄津

胡笳曲

自戾

詩原作負

飛天歷與奪徒紛紜百年三

一作四

一作

五代終是

甲辰君

寒夜怨

怨一作愁

夜雲生夜鴻驚淒切嘹唳傷夜情空山霜滿高煙平鉛
華沈照帳孤明寒月微寒風繁愁心絕愁淚盡情人不
勝怨思來誰能忍

詔問山中何所有賦詩以答

答齊高帝詔

山中何所有嶺上多白雲只可自怡悅不堪持寄君

題所居壁

南史曰弘景妙解術數逆知梁祚覆沒預製詩秘在篋裏化後門人方稍出之大同末士人競談玄理不習武事後侯景篡果居昭陽殿

夷甫任散誕平叔坐談空不言昭陽殿化作單于宮

和約法師臨友人

歷代吟譜云慧約字德素有哭范荀詩云云迺以此作慧

約作或別有考也

我有數行淚不落十餘年今日爲君盡併灑秋風前

華陽頌十五首

樞域

河篇徵往冊孔記昭昔名三宿麗天序兩金標地英

質象

宅無乃生有在在則還空靈構不待匠虛影自成功

形位

總神列三府分除交五便陰暉迎夜晷晨精望曉懸

標貫

南峯秀玄鼎北嶺橫秦壁表裏玉沙津周迴隱輪跡

區別

左帶柳沂水右浚陽谷川土懷北邙色井列鳳門泉

迹號

郭干跼留岸姜巴亘遠蹤鶴廟或聞嚮別宅乃恒恭

類附

吳居非知地越家詎隱遷樹蓋徒低蔭石竈未嘗煙

物軌

果林鬱餘柰蔬圃蔓遺辛熒芝可燭夜田泉常澣塵

遊集

降轡龜山客解駕清華童寢宴含貞館高會蕭閒宮

才英

清歌翔羽集長嘯歸雲翻子絃有逸調空談無與言

學稟

標舍雷平下立靜連石陰上道已冲念飛華當軫心

業運

濟神既有在去留從所宜心迹何用顯冥途自相知

挺契

方隅遊瓊刃華陽棲隱居重離儻或似七元乃扶胥

機萌

號期行當滿亥數未終丁迨及唐承世將賓來聖庭

誠期

刊石玄窓上顯誠曲階門動靜顧矜錄不負保舉恩

曹景宗

字子震新野人也仕齊累官至竟陵太守及武帝起兵景宗率衆來從除郢州刺史天監

六年大敗魏於鍾離進爵爲公拜侍中領軍將軍卒

光華殿侍宴賦競病韻

南史曰景宗累立軍功天監初徵爲右衛將軍後破魏師凱旋帝於華光殿宴飲聯句令左僕射沈約賦韻景宗啓求賦詩帝曰卿伎能甚多人才英拔何必止在一詩景宗已醉求作不已時韻已盡惟餘競病二字景宗便操筆而成帝深歎賞朝賢驚嗟竟日

去時兒女悲歸來笳鼓競借問行路人何如霍去病

宗夬

字明敬南陽涅陽人世居江陵齊竟陵王集學士於西邸並見圖畫夬與焉明帝即位以爲郢

州刺史仕梁

至五兵尚書

荊州樂三首

迢遞樓雉懸參差臺觀雜城闕自相望雲霞紛颯沓
章華遊獵去紀郢從禽歸溶溶紫烟合鬱鬱紅塵飛
朝發江津路暮宿靈溪道平衢廣且直長楊鬱裊裊

遙夜吟

遙夜復遙夜遙夜憂未歇坐對風動帷卧見雲間月

別蕭諮議

衍

別酒正參差，垂情將陸離。
悵焉臨桂苑，憫默瞻華池。
輕雲流惠采，時雨亂清漪。
眇眇追蘭逕，悠悠結芳枝。
眷言終何託，心寄方在斯。

傅昭

北地靈州人仕齊官中書通事舍人梁武帝即位累遷散騎常侍所蒞常以清淨爲政卒謚曰貞

恭職北郊

皇猷屬穹昊，至德通深淵。
禋望沿禮舉，咸秩資化宣。
端職恭瘞祀，飭躬奉嚴蠲。
淑氣符首節，光風臨上年。

周捨

字昇逸汝南安成人起家齊太學博士累遷至太常丞武帝即位拜尚書祠部郎郎遷吏部郎太

子詹

事卒

上雲樂

雜言

隋書樂志曰梁三朝樂第四十四設奇子遵安息
孔雀鳳凰文鹿胡舞登連上雲樂歌舞伎樂府詩
集曰上雲樂有老胡文
康辭周捨作或云范雲

西方老胡厥名文康遨遊六合傲誕三皇西觀濛汜東
戲扶桑南汎大蒙之海北至無通之鄉昔與若士爲友
共弄彭祖扶牀往年暫到崑崙復值瑤池舉觴周帝迎
以上席王母贈以玉漿故乃壽如南山志若金剛青眼

賀賀白髮長長蛾眉臨髭高鼻垂口非直能俳又善飲
酒簫管鳴前門徒從後濟濟翼翼各有分部鳳皇是老
胡家雞獅子是老胡家狗陛下撥亂反正再朗三光澤
與雨施化與風翔覘雲候呂志遊大梁重駟脩路始屆
帝鄉伏拜金闕仰瞻玉堂從者小子羅列成行悉知廉
節皆識義方歌管惜惜鏗鼓鏘鏘響振鈞天聲若鴈皇
前却中規矩進退得宮商舉技無不佳胡舞最所長老
胡寄篋中復有奇樂章齋持數萬里願以奉聖皇乃欲

次第說老耄多所忘但願明陛下壽千萬歲歡樂未渠央

還田舍

薄遊久已倦歸來多暇日未鑿武陵巖先開仲長室松
篁日月長蓬麻歲時密心存野人趣貴使容吾膝况茲
薄暮情高秋正蕭瑟

徐勉

字修仁東海鄭人仕齊累遷領軍長史梁武帝即位累官吏部尚書加中書令雖居顯職不營

產業大通中復授侍中
中衛將軍卒謚曰簡肅

欽定四庫全書

古詩紀
卷九十九

採菱曲

相携及嘉月採菱渡北渚微風吹櫂歌日暮相容與采
采不能歸望望方延佇儻逢遺珮人預以心相許

迎客曲

絲管列舞席陳含聲未奏待嘉賓羅絲管舒舞席斂袖
嘿脣迎上客

送客曲

袖續紛聲委咽餘曲未終高駕別爵無筭景已流空紆

長袖客不留

和元帝

去丹陽尹荊州

敬愛良是賢謙恭寔所務尊賢遺道德重學嚴師傅六
藝誠爲敏三雍稱有裕覆被唯仁義吐納必珪璋壯思
如泉湧逸藻似雲翔夙有匡時調早懷經世方留心在
庶績厲精思治綱

昧旦出新亭渚

驅車凌早術山華映初日攬轡且徘徊復值清江謚杳

欽定四庫全書

古詩紀
卷九十九

八

富風封木參差黃鳥正氣爲它口斯重以心明兔豕是

一遊衍終朝意殊悉

詠司農府春幡

播穀重前經人天稱往錄青珪禮東甸高旗表治粟
逶遲乘旦風葱翠揚朝旭平秩庭春司和氣承玉燭
豈伊盈八政蕪茲辯榮辱十千既萬取利民誰不足

夏詩

英華作
徐拙

夏景厭房櫳促席翫花叢荷陰斜合翠蓮影對分紅此

時避炎熱清樽獨未空

詠琵琶

雖爲遠道怨翻成今日歡含花已灼灼類月復團團

徐悝

字敬業勉之第二子也聰敏能屬文位太子舍人累遷洗馬出爲湘東王友遷晉安內史先勉

卒

白馬篇

妍蹄飾鏤鞍飛鞚度河干少年本上郡遨遊入露寒劍
琢荆山玉彈把隨珠丸聞有邊烽急飛候至長安然諾

竊自許捐軀諒不難占兵出細柳轉戰向樓蘭雄名盛
李霍壯氣勇彭韓能令石飲羽復使髮衝冠要功非汗
馬報效乃鋒端日沒塞雲起風悲胡地寒西征馘小月
北去腦烏丸歸報明天子燕然石

一作復刊

古意訓到長史旣登琅邪城

甘泉警烽候上谷抵

一作拒

樓蘭此江稱豁險茲山復鬱

盤表裏窮形勝襟帶盡巖巒修篁壯下屬危樓峻上干
登陴起遐望回首見長安金溝朝灞澹甬道入鴛鴦鮮

車騫華轂汗馬躍銀鞍少年負壯氣耿介立衝冠懷紀
燕山石思開函谷九豈如灞上戲羞取路傍觀寄言封
侯者數奇良可歎

對房前桃樹詠佳期贈內

相思上北閣徙倚望東家忽有當窓樹兼含映日花方
鮮類紅粉比素若鉛華更使增心憶彌令想狹斜無如
一路阻脈脈似雲霞嚴城不可越言折代疎麻

贈內



日暮想青陽躡履出椒房
網蟲生錦薦遊塵掩玉牀
不見可憐影空餘黼帳香
彼美情多樂挾瑟坐高堂
豈忘離憂者向隅心獨傷
聊因一書札以代九迴腸

徐怵

勉之從子仕爲武陵王紀參軍侯景亂怵勸紀入援不從紀稱帝又固諫被殺

夏日

炎光歇中宇清氣入房櫳
晚荷猶卷綠疎蓮久落紅

徐防

侍晉安王隨府在雍州號高齋學士

長安有狹邪行

長安有勾曲勾勾不通驛塗逢二綺衣夾路訪君室君
室近霸城易識復知名大息登金馬中息謁承明小息
偏愛幸走馬曳長纓三息俱入門車服盡雕輕三息俱
上堂嘉賓四座盈三息俱入戶室內有光榮大婦纁始
呈中婦繡初營小婦多姿媚紅紗映削成上客且安坐
胡牀妾自擎

賦得觀濤

藝文作徐防詩英
華作任昉非也

雲容雜浪起楚水漫吳流漸看遙樹沒稍見遠天浮漁

人迷舊浦海鳥失前洲不測滄溟曠輕鱗幸自游

賦得蝶依草應令

秋園花落盡芳菊數來歸那知不夢作眠覺也恒飛

徐擣

字士績東海郟人初爲晉安王侍讀及王爲皇太子轉家令出爲新安太守遷太子左衛率簡

文嗣位進授左衛將軍固辭不拜簡文被閉擣不獲朝謁感氣而卒擣文體既別春宮盡學之宮體之號自斯而起

胡無人行

列

一作刻

楹登薈殿擁絮拭胡妝猶將漢閨曲誰忍奏氈

房遙憶甘泉夜閣淚斷人腸

詠筆

本自靈山出名因瑞草傳纖端奉積潤弱質散芳煙直

寫飛蓬牒

一作引

橫承落絮篇一逢提

一作掌

握重寧憶仲

升捐

詠橘

麗樹標江浦結翠似芳蘭焜煌玉衡散照曜金衣丹愧
以無雕飾徒然登玉盤

壞橋

匝欄生閨蘚覆板沒魚衣岸曲斜梁阻何時香步歸

賦得簾塵

朝逐珠胎卷夜傍玉鈎垂恒教羅袖拂不分秋風吹

徐君蒨

字懷簡東海郟人孝嗣之子聰朗好學有輕艷之才新聲巧變人多諷習仕梁爲湘東王

諮議參軍頗好聲色時時載妓肆遊荆楚山川靡不畢踐

初春携內人行戲

梳飾多今世衣著一時新草短猶通屣梅香漸著人樹

斜牽錦帔風橫入紅綸滿酌蘭英酒對此得娛神

共內人夜坐守歲

歡多情未極賞至莫停杯酒中喜桃子粽裏覓楊梅簾
開風入帳燭盡炭成灰勿疑鬢釵重爲待曉光催

別義陽郡二首

翔鳳樓遙望與雲浮歌聲臨樹出舞影入江流葉落看
村近天高應向秋

飾面亭粧成更點星頰上紅疑淺眉心黛不青故留殘

粉絮挂看箔簾釘

鮑至

東海人仕晉安王隨府
在雍州號高齋學士

山池應令

望園光景暮林觀歇
霏埃荷疎不礙檝石淺好縈苔風
光逐榜轉山望向橋開樹交樓影沒岸暗水光來

奉和往虎窟山寺

神心睠物序訪道絕塵囂
林疎蓋影出風去管聲遙息
徒依勝境稅駕上山椒
年還節已仲野綠氣方韶
短葉

生喬樹疎花發早條
遠峯帶雲沒流烟雜
雨飄復茲承乏者頌
名厠末僚願藉連河
澗庶影慧燈昭一知
衣內

寶方慙

一作悲

茲地遼

孔燾


仕梁刑獄參軍簡文帝賓遣孔燾二女教曰故無錫令孔燾經術弘長志履貞槩游處積年一

朝長往

往虎窟山寺

聖情想區外脂駕出西南
前驅聞鳳管後乘躍龍驂
爰遊非逸豫幽谷有靈龕
無覲息心者宴坐臨清潭
禪食

寧須稼雲衣不待蚕頭荇緣澗壑蘿葛蔓松楠鶯林響
初轉春畦藥欲含惑心隨教遣法味與恩覃庶憑八解
力永滅六塵貪



古詩紀卷九十九